
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



SENTENTIÆ LATINÆ.

Ex

Cornelio Nepote, Cicero-
ne, Terentio & Fabio Qvin-
ctiliano collectæ,

In usum

Scholæ STRALSUNDENSIS.)



STRALSUNDI,
Impensis OTTO RUYMANNI)
Bibliopolæ.

ANNO M. DC. LV.

Eximiae spei Puero

THEODORO MEJERO,

VIRI AMPLISSIMI

THEODORI MEJERI,

Stralsundensis Reip. Con-

sulis & Scholarchæ

filio.

S. D.

BENEDICTUS BAHRIUS.

Postquam de Vo-
luntate Ampliss.
Dnn. Scholar-
charum has sententias in-
usum Scholæ nostræ colle-
geram, ex illis qui mecum
A2 vivunt,

vivunt, tu in primis occurrebas, Theodore carissime, cui illas publicè commendarem. Cæteri enim eos progressus jam fecerant, ut nihil dubitarem in ipsis auctoribus Latinæ linguæ eorum exercere ingenium & industriam. Tua vero ea sunt studia, ut licet propter Latinæ linguæ cognitionem in his sententiis diu te immorari nolim, cum ad ipsos auctores aliquantò post deducaris oporteat, operæ tamen precium

cium facturum me existi-
mem, si propter Virtutum
ac vitiorum præcepta, quo-
rum maximam habui ra-
tionem, penitus memoriæ
& animo tuo infigantur.
Quæ quidem res hoc mayo-
ra feret commoda, quod
quotidie ex me audis, quæ
vel has sententias illustra-
re, vel inde confirmari pos-
se videantur. Id quod eâ,
qua nunc es, ætate omni-
no fieri debere mihi nul-
lum est dubium. Quod
verendum sit, ne frustra,

A 3 præ-

præcipiamus, quid facere
oporteat, quidve omitte-
re, postquam externarum
rerum splendor mentes
occæcaverit, aut peccandi
consuetudo mores corru-
perit. Tuum erit utrumq;
conjungere, & honestè vi-
vendi studium & optimè
discendi. In quo si fidem
& diligentiam ita præsti-
teris, ut Amplissimi & in-
tegerrimi Viri parentis tui
exemplum imitari videa-
re, ipsi maximam afferes
voluptatem, quamq; ego
de

de te spem concepì, minime falles. Qvod ipsum ut feliciter tibi à summo Numine eveniat , ex animo precor. Vale & studiis tuis invigila.

Stralsund I Idib. Januarij clc. lcc. LV.

Quinctilianus l. i. Instit. cum quæ pueris ad scribendi imitationem proponenda, doceret.

Quoniam circa res adhuc tenues moramur, hæc quoque, versus, qui ad imitationem scribendi proponuntur, non otiosas velim sententias habeant, sed honestum aliquid monentes. Prosequitur hæc memoria in senectutem, & impressa animo rudi usque ad mores proficiet.

Joannes Caselius in libello de Ludo literario recte aperiendo.

Esse in ludos literarios minime recipiendum, quicquid est recentium scriptorum, nihil habeo causæ, quapropter dubitem. Cum enim velimus puerum Latinum sermonem discere, non inquinatum, sed quam fieri potest purissimum; satis profecto est, cum ex eo genere scriptorum hauriri, de quorum puritate, & hoc in genere perfectione dubium esse nullum possit.

Paucis interjectis.

Dubium nemini esse potest, quin Veteres Latini scriptores pueris potissimum explicari debeant. Constat enim, eos esse & optimos omnium, & purissimos, qui florente lingua simulque vigentibus apud Romanos scientiis Græcis, scripserunt; quique accommodati sunt captui discipulorum.

CAP.

CAPUT I.

De Deo, & providentia divina.

* Nihil rerum humanarum sine Dei numine agitur. *Cornel. Nep. in Timol.*

* Summa est sapientia Deum sequi, eiq; parere. *Cic. de Senect.*

* Salus hominum est in Dei tutela. *Cic. 3. de fin.*

Minime convenit, cum inter nos neglecti simus, postulare, ut Deo cari simus, & ab eo diligamur. *ibid.*

* Deum cogitatione complecti non possumus. *Cic. 1. Tusc. Quest.*

* Deum agnoscimus ex operibus ejus. *ibid.*

Nihil in malis ducamus, quod sit à Deo immortali constitutum; non enim temere aut fortuito creati sumus. *ibid.*

Mundus regitur Dei numine, & est quasi communis urbs & civitas hominum. *3. de fin.*

CAP. II.

De Magistratu , Regnis , Imperiis, Legibus & Tyrannis.

* Non idem ipsis, qui summas imperii tenent, expedit & multitudini.
Cornel. Nep in Vita Miltiadis.

Magistratus qui patriæ suæ est amans, amicior est civium libertati, quam suæ dominationi. *ibid.*

Qui multum in imperiis Magistratibusq; sunt versati, consuetudine ad Imperij cupiditatem trahuntur, *ibid.*

Eorum principum, qui benè sese gerunt, vita est secura, & mors subditis acerba. *in Cimone.*

Nullum imperium est tutum, nisi benevolentia subditorum sit munitum. *in Dione.*

* Respublica non potest bene geri multorum imperiis. *in Dione.*

Ea est Regum consuetudo, ut casus adversos hominibus tribuant, secundos fortunæ suæ, *in Dione.*

* Prudentes viri Reipublicæ procurant.

curacionem interdum fugiunt, non inertia, sed iudicio. *in Attico.*

Nulla vis imperii tanta est, quæ prementē metu possit esse diuturna. *Cicero lib. 2. offic.*

Rogibus non tam præclarum est aurum habere, quam imperare illis, qui habent aurum. *de Senect.*

Viris bonis non minori curæ est, qualis Reipubl. post mortem eorum futura sit, quàm qualis sit, dum vivunt. *de Amicit.*

* Rex est, qui se suosque regere potest. *3. de finib.*

Ea virtute Principes & Magistratus esse debent, ut in legibus scribendis, nihil sibi aliud nisi salutem atque utilitatem Reipublicæ proponant. *1. de iuventione.*

* Ubi libido dominatur, innocentiae leve est præsidium. *in Oratore.*

Princeps qui vult omnia scire, necesse habet multa ignoscere. *Quintil. lib. 2.*

Qui magnam benevolentiam Regum

gum sunt consecuti, illi non minorem
invidiam aulicorum excipiunt. *Cornel.
Nep. in Datame.*

* Legibus continetur Respublica in
singulis civitatibus. *Cic. 3. Offic.*

* Tyranni civium suorum poten-
tiam extimescunt. *Corn. Nep. in Milt.*

Paucis contingit, ut patriam à Ty-
rannis oppressam ex servitute in liber-
tatem vindicent. *in Ithrasibulo.*

CAP. III.

De Animo & Corpore. *

Multò difficilior est cogitatio; mul-
toq; obscurior. qualis animus in cor-
pore sit, tanquam alienæ domi; quam
qualis, cum exierit, & in cœlum quasi
in domum suam venerit; *Cicer. lib. 1.
Tusc. Quest.*

* Corpus nostrum est quasi vas aut
aliquod animi receptaculum. *ibid.*

* In perturbato animo sanitas esse
non potest. 3. *Tusc.*

Nisi sanatus est animus, finis mis-
eriarum nullus est futurus. *ibid.*

Manus

Munus animi est ratione bene uti;
ad quod exsequendum non est aptus,
si conturbatus est. *ibid.*

* Nihil est melius in homine bonâ
mente. *5. Tusc.*

* Tardis mentibus Virtus non fa-
cile committitur. *ibid.*

CAP. IV.

De Morbo & Sanitate.

* Perniciosiores & plures sunt mor-
bi animi, quam corporis. *Cic. 3. Tusc.*

Valetudo sustentari potest notitia
corporis & observatione earum re-
rum, quæ aut prodesse solent, aut ob-
esse. *2. Offic.*

* Bona valetudo voluptati est ante-
ponenda. *ibid.*

Sanitas animorum posita est in tran-
quillitate quadâ & constantia. *3. Tusc.*

CAP. V.

De Adolescentia Juventute & Senectute.

* Incantis ætatis inscripta senum pru-
dentia regenda est. *Cic. 1. Offic.*

Pueri-

Puerilis ætas iis artibus debet infici,
quas si, dum tenera est, combiberit, ad
majora veniet paratior. *3. de Finib.*

* In pueris, ut in speculis natura cer-
nitur. *Cic. 5. de fin.*

In puerili ætate pudorem, mode-
stiam & constantiam; etiamsi nostra,
nihil intersit, tamen diligimus *ibid.*

Senectutem ut adipiscantur, omnes
optant; eandem accusant adepti. *de
Senect.*

* Moderati senes tolerabilem sen-
suetudinem agunt. *ibid.*

CAP. VI.

De bonis Corporibus & Fortunæ.

Tribuendum est aliquid bonis cor-
poris & fortunæ, dum modò quantum
tribuendum sit, intelligas. *Cic. 5. de fin.*

Qui habet corporis & fortunæ bona;
benè his uti debet: qui non habet, sa-
pienter carere; qui amittit, moderatè
ferre. *lib. 2. de Oratore.*

Quæ bona dicuntur, perinde sunt,

¶

ut illius animus, quæ ea possidet, qui uti scit, ei bona: illi, qui non utitur rectè, mala. *Terent. Heautontim.*

Omnia, quæ extra nos bona sunt, quæq; hominibus fortè obtigerunt, non ideo laudantur. quod habuerit quis ea, sed quod his honestè sit usus. *Quintil. lib. 3.*

* Illud verè bonum est, quo nemo malè uti potest. *lib. 5.*

Pessimè meremur de rebus humanis, cum providentiæ munera in mutuum perniciem convertimus. *lib. 15.*

CAP. VII.

De Præceptis & Sententiis Sapientum.

Præceptis Sapientum utendum est ad vitam agendam, non ad ostentationem. *Corn. Nep. in Attico.*

Adolescentes senum præceptis gaudere debent, quibus ad virtutum studia ducantur. *Cic. de Senect.*

Turpissimum est in illis, qui præcepta vivendi tradunt, si ita vivant, ut
cum

cum vita eorum mirabiliter pugnet oratio. 2. *Tusc.*

* Præcepta & artes nihil valent, nisi adjuvante natura. *Quintil. lib. 1.*

* Præcipientem libentius audimus, quam reprehendentem. *lib. 2.*

Quæ ab aliis bene sunt dicta, eorum relatio plus interdum auctoritatis affert, & laudem majorem conciliat, quam si nostra sint. *ibid.*

Prudentissimus & optimus esse haberiq; debet, qui sententiæ suæ de utilibus atq; honestis credere omnes velit. *lib. 2.*

CAP. VIII.

De Patria, Parentibus, Majoribus, Liberis & Educatione.

Laudandus est is, qui mortem appetit pro Republica, & patriam debere nobis cariorem esse docet, quam nosmet ipsos. *Cic. 3. de fin.*

Patriæ suæ alij occupati, alij otiosi prodesse possunt. 1. *Tusc.*

* Parentibus nostris, quos amare debemus,

bemus, irasci nefas est. *Cornel. Nep. in Attico.*

* Ad filios pertinet hæreditas paternæ gloriæ, & optimorum factorum imitatio. *Cic. 1. Offic.*

* A natura ipsa impellimur, ut eos, quos genuerimus, amemus. *3. de finib.*

* Matres omnes filiis in peccato adjutrices esse solent. *Terent. in Adelph.*

Parentibus ac majoribus suis filii plerumq; creduntur similes, & nonnunquam ad honestè turpiterq; vivendum inde fluunt causæ. *Quint. 1. 5.*

Qui honesta in familia institutus est, & ingenuo educatus; ipsa turpitudine, etiamsi cum læsura non sit, offenditur. *Cic. 3. de fin.*

* Turpitude generis opprobrium est multis. *Quint. 1. 3.*

C A P. IX.

De Doctrina, Disciplina, Scholis
& Præceptoribus.

* Mens hominis discendo alitur.
Cic. 1. Offic.

B

Impel-

Impellimur natura, ut prodesse velimus quam plurimis, inprimisq; docendo, rationibusq; prudentiæ tradendis. *3. de fin.*

* Non facile est invenire, qui quod sciat ipse, non tradât alteri. *ibid.*

* Non solum ad discendum propensi sumus, verum etiam ad docendum. *ibid.*

* Multa discimus, quæ cum præclare didicerimus, nihil scimus. *1. de fin.*

Disciplinam nostram ostentationem scientiæ potius, quam legem vitæ putamus: neq; ipsimet nobis obtemperamus, & paremus decretis. *2. Tusc.*

* Optimi viri multa sese ignorare confitentur, & multa sibi indices esse discenda. *3. Tusc.*

* Is maxime docilis est, qui attentissime est paratus audire. *de iuven. l. 1.*

* Animus bene-informatus in alieno malo suam infirmitatem considerat. *ibid.*

Quæ bona sunt, doctrina possunt fieri meliora, & quæ non optima, aliquo

quo modo tamen corrigi possunt,
lib. 2.

Discere volentibus interdum satis est, fontes unde hauriant, atq; itinera ipsa demonstrare. *lib. 1. de Oratore.*

* Intelligentis Doctoris est, videre, quò quemq; sua natura ferat. *Cicero in Bruto.*

Magni interest, quos quisq; audiat quotidie domi, quibuscum loquatur à puero; quemadmodum patres, pædagogi, mætres etiam loquantur. *ibid.*

Multorum studia tardantur, qui desperatione debilitati, experiri id nolunt, quod se assequi posse diffidunt. *Cic. in Oratore.*

Vehementer errant, qui arbitrantur, turpe esse, discere quod scire honestum est, aut non esse gloriosum docere, quod nosse pulcherrimum est. *ib.*

Quidam aut Magistrorum inopia, aut ingenij tarditate, aut laboris fuga non assequuntur, quod alij sunt assecuti. *ibid.*

Falsa est querela, paucissimis ho-

B 2

mini-

minibus vim percipiendi, quæ traduntur, esse concessam. *Quintil. lib. 1.*

Id inprimis cavere oportebit, ne studia qui amare nondum potest, oderit: & amaritudinem semel perceptam, etiã ultra rudes annos reformidet. *ibid.*

Cavendum est illud, quod studiis quidem prodest, moribus autem nocet; potior enim ratio esse debet vivendi honestè, quàm vel optimè discendi. *ibid.*

* Domi ea sola discere potest adolescens, quæ ipsi præcipiuntur; in schola etiam, quæ aliis. *ibid.*

* Turpe est in studiis credere pari, pulchrum superare majores. *ibid.*

Superior successu curam non remittat, & dolor victum ad depellendam ignominiam concitet. *ibid.*

* Nulla ætas tam est infirma, quæ non protinus, quid rectum pravumque sit, discat. *ibid.*

Prima ætas tum maximè est formanda, quum simulandi nescia est, & præipientibus faciliè credit. *ibid.*

Ars

Ars Grammatica, nisi fideliter fundamenta jecerit, quicquid superstruxeris, corruet. *ibid.*

Pleriq; ambitiosa festinatione à posterioribus incipiunt, & dum ostentare discipulos circa speciosiora malant, morantur. *ibid.*

*** Quod facere oporteat, non indignandum est, discere. *ibid.***

*** Laborem studiorum pueri faciliùs tolerant, neq; enim ulla ætas minùs fatigatur. *ibid.***

*** Longa est ætas, quæ discit. *ibid.***

*** Turpe est computare velle, quid studia referant. *ibid.***

Tantò melius est optimis imbui, quantò major est difficultas in eluendis vitiis, quæ semel insederint. *lib. 2.*

*** Gravius est dedocere, quàm docere. *ibid.***

Plus prodest demonstrare protinus rectam viam, quàm revocare ab errore jam lapsos. *ibid.*

*** Elaborandum est, si qua difficiliora discenti videbuntur. Supervacua**

enim esset doctrina , si natura sufficeret. *ibid.*

* Omnes malunt didicisse , quàm discere. *lib. 3.*

* Ut felicius discere nostra ætas posset, priores elaboraverunt. *lib. 12.*

* Rectæ voluntati nullum tempus est serum. *ibid.*

Sæpe cum Magistris ad erudiendum traditi sumus , tum ita variis imbuimur erroribus , ut vanitati veritas cedere cogatur. *Cic. 3. Tus.*

Acerrimus est ex omnibus nostris sensibus sensus videndi ; quare facillimè animo teneri possunt ea , quæ percipiuntur auribus , si etiam oculis videantur. *lib. 2. de Oratore.*

C A P. X.

De Ingeniis , Studio , Diligentia ,
Exercitatione , Oritio &
Ignavia.

Ut semina summo solo sparsa celerius se effundunt , & herbulæ spicas imitatae inanibus aristis ante messem
flave-

flavescent; ita ingenia præcocia non temere unquam perveniunt ad frugem. *Quintil. l. 1.*

Ille puer eruditionem consequetur, quem laus excitat, quem gloria juvat, quiq; flet victus. *ibid.*

Imbecillis ingeniis sic est obsequendum, ut tantum in id, quò vocat natura, ducantur. *lib. 2.*

Celerius occidit festinata maturitas. *lib. 6.*

Studium est animi assidua & vehemens ad aliquam rem applicata magna cum voluntate occupatio. *Cic. 1. de Inventione.*

* Nemo reperitur, qui studio nil sit consecutus. *Quintil. l. 1.*

Studium constat discendi voluntate, quæ cogi non potest. *ibid.*

Negata remissio odium facit studiorum, nimia verò otij consuetudinem. *ibid.*

* Pueris natura est patientior laboris, quam juvenibus. *ibid.*

* Difficultatis patrocinia præteximus ignaviæ. *ibid.*

* Profectus præcipue diligentia
constat, *lib. 2.*

* Uni rei perit tempus, quodcumq;
alteri datur. *lib. 12.*

Exercitatio & temperantia in senectute etiam pristini roboris aliquid conservare possunt. *Cic. de Senect.*

* Nemo nostrum exercitationem ullam corporis suscipit laboriosam, nisi ut aliquid commodi ex ea consequatur. *lib. 1. de finib.*

* Frequens usus omnium Magistrorum præcepta superat. *Cic. de Oratore l. 1.*

* Consuetudo & exercitatio facilitatem maxime parit. *Quint. lib. 10.*

* Otium & solitudo aliis languorem afferunt, alios acuunt. *Cic. 3. offic.*

Felices videntur, qui cum vitæ cursum tenere possunt ut vel in negotio sine periculo, vel in otio cum dignitate esse possint, *lib. 1. de Oratore.*

Magnam spem de se præbet ille puer, qui multa dat signa & pudoris & ingenii. *lib. 3. de finib.*

Sæpe agendi aliquid discendiq;
caus-

caussa vigilæ sunt suscipiendæ. *lib. 5. de finib.*

CAP. XI.

De Actionibus & Officio hominum.

* Ad quas res aptissimi erimus, in
iis potissimum elaborabim⁹. *Cic. 1. Offic.*

* Consideratè agere pluris est,
quam prudenter cogitare. *lib. 2. Offic.*

* Virtus quædam est, cum inter-
dum quod facere ipsimet non possu-
mus, id recte fieri in altero judicamus.
de Amicit.

Plurès discunt, quemadmodum
quæ mala sunt, fiant; quam quemad-
modum illis resistatur. *ibid.*

Non satis est judicare, quid sit fa-
ciendum, vel non faciendum; sed stare
etiam oportet in eo, quod est judica-
tum. *Cic. de fin. lib. 1.*

* Scelerati quamvis occultè aliquid
fecerint, nunquam tamen confidere
possunt, id semper fore occultum, *ibid.*

* Nunc ita vivimus, ut melius di-

vere, quàm facere videamur. *lib. 2. de finib.*

* Cupiditas agendi aliquid adole-
scit cum ætatibus. *lib. 5. de fin.*

Vitio nobis vertitur, si in officio,
eius Magistri esse volumus, labimur;
artemq; vitæ professi delinquimus in
vita. *lib. 2. Tusc.*

Quid maximè consentaneum sit in
vita, quæramus ab iis, quibus, quod
honestum sit, summum bonum; quod
turpe, summum videtur malum. *ibid.*

* Sapientis est, nihil facere, quod
poenitere possit. *5. Tusc.*

* Non faciendo id, quod non de-
cet, impudentiæ nomen effugere de-
bemus. *lib. 1. de Oratore.*

* Quod cavere potes, stultum est
admittere. *Terent. in Andr.*

Malo coactus qui suum officium
facit, tantisper cavet, dum id rescitum
iri credit: si clam fore sperat, rursus
ad ingenium redit. *in Adelph.*

* Plerumq; nostras partes omitti-
mus, & alienas occupamus. *Quintil. l. 2.*

Ab

Ab eo, quod quis optimè facit, non est transferendus in aliud, cui minus est idoneus. *Quintil. lib. 2.*

Omnis vitæ ratio sic constare debet, ut quæ probamus in aliis, facere ipsi velimus. *lib. 10.*

C A P. XII.

De Moribus & Consuetudine.

* Quædam Nationes nihil rectum putant, nisi quod suis moribus conveniat. *Cornel. Nep. in Pref.*

* Non eadem omnibus honesta sunt atq; turpia. *ibid.*

Magni ingenii est revocare mentem à sensibus, & cogitationem à consuetudine abducere. *Cic. 1. Tus.*

* Multa injusta ac prava fiunt moribus. *Terent. in Adelph.*

Nunquam injustius est quicquam homine imperito, qui nihil rectum putat, nisi quod ipse facit. *ibid.*

Consuetudo si ex eo, quod plures faciant, nomen accipiat; periculosum dabit

habuit præceptum vitæ, *Quintil. l. 1.*

* Consensus eruditorum debet esse consuetudo sermonis; & consensus bonorum consuetudo vivendi. *ibid.*

* Consuetudo quotidie magis invalescit. *lib. 2.*

CAP. XIII.

De Fama, Gloria, & Ambitione.

* Multorum fama felicitate potius quam Virtute est parata. *Cornel. Nep. in Lysandro.*

* Filii acceptam à patre gloriam multis virtutibus debent augere. *in Timotheo.*

* Cavenda est gloriæ cupiditas: eripit enim libertatem. *Cic. 1. Offic.*

Hominis ingenui & liberaliter educati est, velle ab omnibus bonis bene audire. *3. de fin.*

Vix invenitur, qui laboribus susceptis periculisq; aditis, non, quasi mercedem rerum gestarum, desideret gloriam. *1. Offic.*

Pro-

Proxima & compendiaria ad gloriam est via, si quis id agat, ut talis sit, qualis haberi velit. 2. *Offic.*

* Honos alit artes: omnesq; incenduntur ad studia gloriâ. 1. *Tusc.*

Virtutem necessario gloria, etiam si illud non agamus, consequitur. *ibid.*

Gloria etsi nihil in se habeat, cur expetatur; tamen virtutem tanquam umbra sequitur. *ibid.*

Præclarorum virorum nomen non iisdem finibus terminatur, quibus vita. *ibid.*

Vera gloria est consentiens laus bonorum, & incorrupta vox benè iudicantium de eccellente Virtute. 3. *Tusc.*

Vera gloria quia rectè factorum plerumq; est comes, non est à bonis viris repudianda. *ibid.*

* Fama popularis plerumq; est peccatorum vitiorumq; laudatrix. *ibid.*

* Gloria quæ expetitur, sæpe plus habet molestiæ, quàm voluptatis. 5. *Tusc.*

* Ambitio licet vitium sit, frequenter

ter tamen est causa virtutum. *Quint. Stil. lib. 1.*

* Præstantissimi quique justiora posterorum, quam suæ ætatis judicia consequuntur. *lib. 3.*

Egregii & eruditi viri quando ab hominibus sui temporis parum intelliguntur, posterorum judiciis se reservant. *lib. 11.*

* Honores rari imprimis sunt gloriosi. *Corn. Nep. in Nils.*

Qui nihil præstantius judicant honoribus, imperiis, populari gloria; nullam consecrantur veram virtutis effigiem, sed adumbratam imaginem gloriæ. *Cic. 3. Tusc.*

Est mos hominum, ut nolint eundem pluribus rebus excellere. *Cicer. in Bruto.*

CAP. XIV.

De Conatu, Facilitate & Difficultate.

Quæ perdifficilia sunt, perinde habenda sæpe sunt, ac si effici non possint. *Cic. in Part. Orat.*

* Quo-

* Quoniam id fieri, quod vis, non potest; velis id, quod possit. *Terent. in Andr.*

Illud non est sapere, velle te id, quod non potest contingere. *in Adelpb.*

Nulla res est tam facilis, quin difficilis sit, quam iavitus facias. *ibid.*

* Ne tenta, quod effici non potest. *Quinctil. lib. 2.*

Natura rerum nihil magnum voluit citò effici, proposuitq; pulcherri-
mo cuiq; operi difficultatem. *Quinctil. lib. 10.*

CAP. XV.

De Familiaritate, Amicitia & Conversatione,

Nulla est firmior societas, quam cum viri boni, moribus similes, sunt familiaritate conjuncti. *Cic. 1. Offic.*

* Jucundissima est amicitia, quam similitudo morum conjugavit. *ibid.*

* In amicitiis nulla pestis major est, quam pecuniæ cupiditas. *Cic. de Amicit.*

* Magna & iusta plerumq; dissidia nasci

nasce solent, cum aliquid ab amicis, quod justum non est, prostulatur. *ibid.*

Jus amicitiae nos deserere arguunt illi, quibus obsequi nolumus. *ibid.*

* Difficile est amicitiam manere, si à virtute defeceris. *ibid.*

Prima lex est in amicitia, ut neque rogemus res turpes, nec faciamus rogati. *ibid.*

* Turpis est excusatio, si quis amici causa contra Rempublicam se fecisse fateatur. *ibid.*

* Solem è mundo tollere videntur, qui amicitiam è vita tollunt. *ibid.*

* Svacitas sermonum atque morum non mediocre condimentum est amicitiae. *ibid.*

Digni sunt amicitia, quibus in ipsis inest causa, cur diligantur. *ibid.*

* Amicitia à natura data est virtutum adiutrix, non vitiorum comes. *ib.*

Multò melius de quibusdam acerbi inimici meretur, quam ij amici, qui dulces videntur: illi enim saepe veram dicunt, hi nunquam. *ibid.*

Qvo-

Quoniam res humanæ fragiles caducæq; sunt, semper aliqui acqvirendi sunt, quos diligamus, & à quibus diligamur. *ibid.*

* Solitudo & vita sine amicis insidiarum & metus est plena. *Cic. l. 1. de fin.*

Rarò est aliquis amicorum, apud quem expromere omnia nostra occulta audeamus. *Terent. Adelph.*

Mens nostra in secretis aut langvescit, aut contra tumescit inani persuasione. *Quintil. lib. 1.*

CAP. XVI.

De Amore, Benevolentia, Odio, Inimicitia, & Invidia.

* Benevolentiam civium blanditiis colligere turpe est. *Cic. de Amicit.*

Pleriq; eos potissimum diligunt, ex quibus sperant, se maximum fructum esse capturos. *ibid.*

* Laus & caritas sunt vitæ sine metu degendæ præsidia firmissima. *de fin. lib. 1.*

* Eos qui nobis carissimi esse debent

C

bent

bent, æquè ac nosmetiplos amemus.

3. *Tusc.*

* Optabile est plus favoris mereri, odii minus. *Quintil. lib. 4.*

Inimicitiarum expers esse potest, qui neminem lædit, & si quam injuriam accepit, mavult oblivisci quàm ulcisci. *Corn. Nep. in Attico.*

Amicitia omnibus rebus humanis est anteponenda: nihil enim est tam aptum naturæ ad res vel secundas, vel adversas, *Cic. de Amicitia.*

Nihil est difficilius, quàm amicitiam ad extremum vitæ diem permanere. *ibid.*

Commune est vitium in magnis liberisq; civitatibus, ut invidia sit gloriæ comes. *Cornel. Nep. in Chabria.*

* Quidam non audent invidiæ meru dicere quod sentiunt, etiamsi sit optimum. *Cic. 1. Offic.*

Apertè odisse magis ingenuum est, quàm fronte occultare sententiam. *de Amicit.*

* Invidia est ægritudo ex alterius rebus secundis. 3. *Tusc.*

CAP.

CAP. XVII.

De Concordia & Discordia, Consensu & Dissensu.

Nulla domus tam stabilitis, nulla civitas tam firma est, quæ non odiis atque diffidiis funditus everti possit. *Cicer. de Amicit.*

Nihil est turpius, quam cum eo bellum gerere, qui cum familiariter vixeris. *ibid.*

Improborum consensio amicitiae excusatione non est regenda. *ibid.*

Perversa est consuetudo illorum, qui maledictis insectantur eos, à quibus de veritate dissentiunt. *Cic. 2. de fin.*

CAP. XVIII.

De Gratitude, Liberalitate & Beneficentia

Res familiaris non ita est claudenda, ut eam benignitas aperire non possit; nec ita referenda, ut pateat omnibus. *ib. 2. Offic.*

Odiosum est genus hominum officia exprobrantium. Etenim meminisse ea

se ea debet is, in quē collata sunt,
non commemorare, qui contulit. *de*
Amicit.

* Beneficium & gratia sunt vincula
concordiæ. *l. 3. de fin.*

Si tuam ob causam cuiquam com-
modes, beneficium illud habendum
non est, sed fœneratio; nec gratia de-
beri videtur ei, qui suam ob causam
commodaverit. *ibid.*

* Impudens est, qui pro beneficio
non gratiam, verum mercedem postu-
lat. *de Invenit. l. 1.*

* Quò minores sunt opes, eò mayo-
rem benefactis gloriam parimus.
Quintil. l. 1.

* Magna numerata multi nobis invi-
dent, plures concupiscunt. *Cornel. Nep.*
in Thrasib.

CAP. XIX.

De Venia, Indulgentia, Licentia
& Impunitate.

* Nobis volumus ignosci; cætera
ipsi non ignoscimus. *Cic. de Oratore.*

* De.

* Deteriores omnes sumus licentia,
Terent. in Adelpb.

* Nimia licentia evadit in magnum
aliquod malum. *ibid.*

* Liberorum nostrorum mores ipsi
perdimus. Mollis illa educatio, quam
indulgentiam vocamus, nervos o-
mnes & mentis & corporis frangit.
Quintil. lib. 1.

Ultrà nobis, quàm oportet, indul-
gemus. *lib. 2.*

Qui impunè possunt esse iniqui, gra-
tiam sibi habendam esse putant, si re-
ctè fecerint. *Cic. 2. de finib.*

CAP. XX.

De Vita & Morte.

* Honestà mors turpi vitæ præstat.
Cornel. Nep. in Chabr.

Optanda mors est, si aliquò deducit
animum, ubi æternus futurus est. *Cic.
de Senect.*

Nemini, quamvis adolescens sit,
exploratum est, se ad vesperum esse
futurum. *ibid.*

* Omni ætati mors est communis. *ib.*

Quod cuiq; temporis ad vivendum datur, eo debet esse contentus *ibid.*

* Breve tempus ætatis satis est longum, ad benè honestèq; vivendum. *ib.*

Adolescentes sic mori videntur, ut cum aquæ multitudine flammæ vis opprimitur; senes autem, sicut cum sua sponte, nulla adhibita vi, consumptus ignis exstinguitur. *ibid.*

* Mors, quam immortalitas consequitur, lugenda non est. *ibid.*

* Sæcietas vitæ tempus maturum mortis affert. *ibid.*

* Nihil mortis est tam simile, quam somnus. *ibid.*

* Animus noster tum demùm victurus est, cum excessit è vita. *ibid.*

Sapientissimus quisq; æqvissimo animo moritur: stultissimus iniquissimo. *ibid.*

* Vita nostra plus habet laboris quam commodi. *ibid.*

Ex vita discedimus tanquam hospitio, non tanquam ex domo; commorandi

randi enim natura diversorium nobis
dedit, non habitandi locum. *ibid.*

* Animis justorum, cum è corpore
excesserunt, reditus ad cœlum patet.
de Amicis.

Optimi cujusq; animus in morte fa-
cillimè evolat tanquam è vinculis cor-
poris. *ibid.*

Mors terribilis est iis, quorum cum
vita omnia extinguuntur, non iis,
quorum laus emori non potest. *Cic. in
Paradoxis.*

* Æquo animo è vita, tanquam ex
theatro, exeundum est. *1. de finib.*

* Mors est discessus animi è corpo-
re. *1. Tusc.*

* Id agamus, ut mortis metu libere-
mur. *ibid.*

* Animi, cum è corporibus excess-
erunt, in cœlum quasi in domicilium
suum perveniunt. *ibid.*

* Dominans ille in nobis Deus vetat
nos injussu suo hinc demigrare. *1. Tusc.*

* Tota nostra vita commentatio
mortis esse debet. *ibid.*

Si animus non remanet post mortem, privamur spe beatioris vitæ. *ibid.*

*** Mors propter incertos casus quovis die imminet. *ibid.***

Jucundum debet esse iter vitæ, si illo confecto, nulla cura, nulla sollicitudo reliqua futura sit. *ibid.*

*** Vita acta perficiat, ut satis superque vixisse videamur. *ibid.***

Si quid tale acciderit, ut à Deo denunciatum videatur, ut exeamus e vita; læti & agentes gratias pareamus, committique nos e custodia, & levare vinculis arbitremur. *ibid.*

Eo sumus animo, ut mortis diem, qui aliis est horribilis, nobis faustum putemus. *ibid.*

Quomodo initium nobis rerum omnium ortus noster affert, sic mors exitum. *ibid.*

Qui mortem non timet, magnum is sibi præsidium ad vitam tranquillam comparat. 2. *Tu/c.*

Injustus est, qui mortalis natus conditionem postulat immortalium, & gra-

& graviter fert, se quod utendum acceperit, reddere. 3. *Tusc.*

Eos qui æquo animo moriuntur, laudamus; qui alterius mortem æquo animo ferunt, eos putamus vituperandos. 3. *Tusc.*

Benè vivendi disciplinam, quæ est omnium artium amplissima, vita magis quàm litetis persequi decet. 4. *Tusc.*

Qui mortem & dolorem metuit, semper est miser: alterum enim sæpe adest, alterum semper imminet. 5. *Tusc.*

Ita est vita hominum, quasi cum ludas tesseris: si illud, quod est maxime opus jactu, non cadit; illud quod cecidit fortè, arte corrigas oportet. *Terrent. Adelpb.*

CAP. XXI.

De Virtute & Vitiis, Probitate & Improbitate.

* Viri prudentes metiuntur magnos homines non fortuna, sed virtute. *Cor. Nep. in Eumene.*

* Aptissima sunt arma senectutis

C 5

exce

exercitationes virtutum. Cic. de Senect.

Nihil diuturnum videtur, in quo est aliquid extremum: tantum manet, quod virtute & recte factis consequuti sumus. *ibid.*

* Nihil est amabilius virtute. *Cicer. de Amicit.*

Propter virtutem & probitatem eos etiam, quos nunquam vidimus, quodammodo diligimus. *ibid.*

Tanta vis probitatis est, ut eam in hoste etiam diligamus. *ibid.*

* Virtute ipsa non tam multi præditi esse, quam videri volunt. *ibid.*

* Nescimus, quantas vires virtus habeat; nomen tantum virtutis usurpamus, quid ipsa valeat, ignoramus. *in Paradoxis.*

* Nulla possessio, nulla vis auri & argenti pluris quam virtus æstimanda est. *ibid.*

Improbilas, in cuius animo versatur, cum finis nunquam respirare, nunquam acquiescere. *1. de finib.*

* E vitiis oriuntur turpes actiones. *3. de finib.*

* Ni-

* Nihil est, quod tam miseros facit,
quàm impietas & scelus. 4. *de finib.*

* Vitia alia in aliis sunt majora. *ibid.*

* Qui virtuti student, levantur vi-
tiis, levantur erroribus. *ibid.*

Virtutis beatæq; vitæ, quæ duo ma-
ximè expetenda sunt, ferius lumen ap-
paret; multò etiam ferius, ut plane
qualia sint, intelligantur. 5. *de fin.*

Omnis honos, omnis admiratio, o-
mne studium ad virtutem & eas actio-
nes, quæ virtuti sunt consentaneæ, re-
ferri debet. *ibid.*

Virtutes omnes, & honestum illud,
quod ex his virtutibus exoritur, & in
his hæret, per se est expetendum. *ibid.*

* Nemo parùm diu vixit, qui virtu-
tis functus est munere. 6. 1. *Tusc.*

* Humana omnia inferiora virtute
sunt ducenda. 4. *Tusc.*

Ex nostra mollitia, non ex ipsa vir-
tute de virtutis robore existimamus.
5. *Tusc.*

Virtus omnia, quæ cadere in homi-
nem possunt, despiciens, casus con-
temnit humanos. *ibid.*

Præ-

Præmia virtutis & officii sancta & casta esse oportet; neq; ea aut cum improbis communicari; aut in mediocribus hominibus pervulgari. Cic. lib. 2. de Invent.

Homines virtutis minus erunt cupidi, virtutis præmio pervulgato, ibid.

Cavendum est diligenter, ne fallant nos ea vitia, quæ virtutem videntur imitari. Prudentiam enim malitia, & fortitudinem audacia, & religionem superstitio, & versecundiam timiditas imitatur. Cic. in Part. Orat.

*** Discimus mala antequam sciamus vitia esse. Quintil. lib. 1.**

Qui satis putant vitio carere, in id ipsum incidunt vitium, quod virtutibus carent. Quintil. lib. 2.

Fallit plerumq; quod probitas vocatur, quæ est imbecillitas. lib. 6.

Probatu mores & ante actæ vitæ integritas nunquam non plurimum profunt. lib. 7.

*** Prima virtus est vitio carere. lib. 8.**

*** Vitium est ubiq; quod nimium est, &c. &c. Vir-**

Virtus quid sit , adversa ei malitia
detegit , & æquitas fit ex iniqui con-
templatione manifestior. *lib. 12.*

Maximum illud , ut boni viri simus ,
voluntate inprimis constat : quam quæ
vera fide induerit , facile easdem artes
accipiet , quæ virtutem docent, *ibid.*

CAP. XXII.

De Justitia & Injustitia, Injuria,
Æquitate & Iniquitate.

Qui in imperiorum , honorum glo-
riæve cupiditatem incidunt , illos ju-
stitiæ capit oblivio. *Cic. 1. Offic.*

* Nihil agas quod dubites , æquum
sit an iniquum. *ibid.*

* Justitia sine prudentia multum
potest ; sine justitiâ nihil prudentia.
lib. 2. Offic.

* Nemo justus esse potest , qui vi-
tam , voluptatem & divitias æquitatî
anteponit. *ibid.*

* Fundamentum perpetuæ famæ
& justitiæ , sine qua nihil potest esse
laudabile. *ibid.*

* Si Deum hominesq; celare possi-
mus ,

mus, nihil tamen avarè, nihil injustè
est faciendum. 3. *Offic.*

* Nullum commodum tam expe-
tendum, ut viri boni nomen amittas.
ibid.

* Multa injustè fieri possunt, quæ
nemo possit reprehendere. *lib. 2. de fin.*

* Quicquid æquum justumq; est, id
etiam est honestum. 3. *de finib.*

* Præstat accipere injuriam, quàm
facere. 5. *Tusc.*

Quid cum illis agas, qui neq; jus,
neq; bonum atq; æquum sciunt; me-
lius, pejus; profit, obsit; nil vident, nisi
quod lubet. *Terent. in Adelph.*

Multi ita putant, sibi fieri injuriam,
si quam fecere ipsi; ultro expostulant,
& ultro accusant. *ibid.*

* Iis nunc præmium est, qui recta
prava faciunt. *in Phorm.*

* De justo, bono & æquo etiam pes-
simi loquuntur. *Quinctil. lib. 1.*

* Iniquorum ratio noscenda est, ut
melius æqua tucamur. *lib. 3.*

CAP.

CAP. XXIII.

De Scientia, Sapientia, Prudentia, inscitia & Imprudentia.

Una est sapientia, quæ moestitiam pellat ex animis, quæ nos exhorrescere metu non sinat. *Cic. de fin. lib. 1.*

Sapientia docet fortunæ injurias modicè ferre, & omnes docet vias, quæ ad quietem & tranquillitatem fœrant. *ibid.*

* Prudentia est ars vitæ. *s. de fin.*

Beatus est, cui vel in senectute contigerit; ut sapientiam verasq; opiniones assequi possit. *ibid.*

* Quod nunquam vidimus, id quale sit, non facillè intelligimus. *1. Tusc.*

* Ingenuos non pudet fateri nescire, quod nesciant. *ibid.*

* Minime decet in eo ipso peccare, cujus profitemur scientiam. *2. Tusc.*

* Sapientia est sanitas animi, insipientia autem morbus. *2. Tusc.*

* Quomodo jucunda vita potest esse,

esse, à qua absit prudentia & modera-
tio. *s. Tusc.*

* Providentia est, per quam futu-
rum aliquid videtur, antequam fa-
ctum sit. *lib. 1. de Invent.*

* Prudentes viri summam pruden-
tiam interdum simulatione stultitiae
tegunt. *Cicer. in Bruto.*

* Ita comparata est omnium homi-
num natura, ut aliena melius videant
& judicent, quam sua. Etenim in re
nostra, aut gaudio sumus præpediti
nimio, aut ægritudine. *Terent. in Adelphi.*

* Nonnunquam aliis plus sapimus,
quam nobis ipsis. *ibid.*

Flagitium est, alius nos consilia da-
re, & foris sapere, nobis verò non pos-
se auxiliari. *ibid.*

Illud est sapere, non modò quod
ante pedes est. videre; sed etiam illa,
quæ futura sunt, prospicere. *ibid.*

* Sæpe sub Sapientiae nomine maxi-
ma in plerisque vitia latent. *Quint. lib. 1.*

Nihil pejus est iis, qui paulum ali-
quid ultra primas literas progressi, fal-
sam

nam sibi scientiæ persuasionem inducunt, *ibid.*

* Arrogans de se persuasio magnos profectus frequenter perdit. *lib. 2.*

Prudentia sine doctrina plus facit, quàm doctrina sine prudentia. *lib. 6.*

CAP. XXIV.

De Eruditis & Eruditione.

Vana est eruditio, quæ beatæ vitæ disciplinam non juvat. *Cic. lib. 2. de finib.*

Quotusquisq; eruditorum invenitur, qui sit ita moratus, ita animo ac vita constitutus, ut ratio postulat? *lib. 2. Tusc.*

* Laudabilis est eruditio, quam decorat vitæ gravitas & integritas. *Cic. in Bruto.*

Doctorum virorum prudentia hominibus grata est, lingua verò interdum suspecta. *Cic. in Oratore.*

* Ut primum eruditio coepit esse in quæstu, cura morum relicta est. *Quinct. lib. 1.*

D

Non

Non quia honesta sit eruditio, & rerum pulcherrima, petitur ipsa, sed ad vilem usum, & sordidum lucrum accingimur. *ibid.*

Viri prudentes & eruditi talia inquirunt scribuntq; , quæ bonæ mentis juvenibus futura sint usui, & sibi voluptati. *lib. 2.*

* Nunquam deerunt, qui malint eruditi esse, quàm boni. *lib. 12.*

* Computamus annos, non quibus studuimus, sed quibus viximus *lib. 12.*

CAP. XXV.

De Sermone & Oratione.

* Quale quis ingenium habeat, sæpè indicio est oratio. *Terent. in Andr.*

* Nihil est, quin malè narrando possit depravari. *Phorm.*

* Multæ lingvæ vitia nisi primis eximuntur annis, inemendabili in posterum pravitate durantur. *Quintil. lib. 1.*

Vitia si quæ sunt oris, ita emendari debent, ut expressa sint verba, & suis quæq; literæ sonis enuncientur. *ibid.*

Recta

Recta sit facies dicentis, ne labra
detorqueantur, ne immo diens hiatus
rictum ostendat, ne lupinus sit vultus,
ne de ipsis in terram oculi, ne inclina-
ta utrolibet cervix. *ibid.*

Extremoporalis puerorum garrulitas
nec expectata cogitatio, parentibus
quidem imperis sine affectu gaudium,
ipsis varò inuerecundam frontem, &
conuetudinem pessime dicendi, &
malorum exercitationem: *lib. 2.*

* Oratio sepe per mores profert, & ani-
mi secreta detegit: *lib. 11.*

* Fortius interdum pro libertate
quimur, quam pugnamus. *Cornel.*
ep. in Thraçia.

CAP. XXVI.

e Veritate, Falsitate, Menda-
cio, Simulatione, Taciturni-
tate, Promissis & Percon-
tatione.

Stultum est, incerta pro certis ha-
ere, & falsa pro veris. *Cic. de Senect.*

Natura inest mentibus nostris infariabilis quædam cupiditas veri videndi. *i. Tusc.*

* Obsequium amicos, veritas odium parit. *Terent. Andr.*

* Qui mentiri aut fallere insueverit patrem, aut audebit, tantò magis audebit ceteros. *in Adelpb.*

Commisssa celare interdum non minus prodest, quàm diserte dicere. *Corn. Nep. in Epaminonda.*

* Non est liberalis viri sed levis polliceri quod præstare non potest. *in Attico.*

* Facere potius optima quàm promittere debemus. *Quintil. l. 1.*

* Tua quod nihil refert, percontari desinas. *Terent. in Hecyra.*

Summa est amentia, in eorum fide spem habere, quorum perfidia torques deceptus sis. *Cic. lib. 1. de Inuent.*

Maxima iniustitia est eorum, qui sum, cum maxime fallunt, id tamen agunt, ut viri boni esse videantur. *i. Offic.*

Ficta

Ficta omnia celeriter tanquam flos-
li decidunt ; nec simulatum potest
icquam esse diuturnum. 2. *Offic.*

Vir bonus nec ut emat melius , nec
vendat , quicquam simulabit , aut
simulabit. 3. *Offic.*

CAP. XXVII.

De Patientia & Tolerantia.

* Summa virtus in patientia poni-
r. *Corn. Nep. in Alcib.*

* Omnia humana sunt ferenda. *Cic.*
Tusc.

Perpessio aliorum facit, ut ea quæ
ciderint , multò minora , quàm
vanta sint existimata , videantur.
Tusc.

Id ferendum nobis censeamus,
vòd videmus multos moderate &
tranquillè tulisse. *ibid.*

Beatus est, qui vim fortune, & o-
nia humana, quæcunque acciderint
offensu tolerabilia ducit. 4. *Tusc.*

ibid. **CAP.**
ibid.

CAP. XXVIII.

De Modestia & Humanitate,

Temperantia & Intemperantia.

* Importunitas & in humanitas
omni ætate innoxia. *Cic. de Senect.*

* Nihil est homini melius facilitate
& clementia. *de Senect.*

Intemperans adolescentia effœcūm
corpus tradit sehectuti. *Cic. de Senect.*

Temperantia est, qua in rebus aut
expetendis aut fugiendis rationem ut
sequamur. *de Senect.*

* Nunquam finem invenit libido.

CAP. XXIX.

De Conscientia & Cognitio-

ne sui.

Summi quisq; noscat ingenium,
arbitriq; se & parentum, & condram
suorum iudicemq; habeat. *de Senect.*

* Conscientia benè actæ vitæ, mul-
torumq; bene factorum recordatio ju-
condissima est. *de Senect.*

Im-

Improbi quocunq; adspiciunt, in-
uria sua illis occurrunt, & maleficio-
rum conscientia eos torquet. *in Pa-*
adorio.

Vera est sapientia, parere tempori,
& sequi Deum, & se noscere. *de fin.*

Nullum theatrum virtuti est ma-
is conscientia. *s. Tusc.*

CAP. XXX.

De Fiducia, Metu, Superstitio-
ne & Temeritate.

* Miseranda est eorum vita, qui se
metui malunt, quam amari. *Corn. Nep.*
Dione.

Nimia fiducia solet interdum ma-
xime calamitati esse. *in Pelop.*

* Omnis actio vacare debet teme-
ritate & negligentia. *Cic. 1. Offic.*

Qui se metui volunt, a quibus me-
tuntur, eosdem metuant ipsi necesse
est. *2. Offic.*

* Temeritas est florentis ætatis,
audacia senectutis. *Cic. de senect.*

Nemo diligit eum, quem metuit;
aut eum, à quo se metui putat. *de Amic.*

* Superstitione qui est imbutus,
nunquam quiescere potest. *1. de fin.*

* Omnibus in rebus temeritas &
ignoratio est vitiosa. *3. de fin.*

Temeritas & molities efficiunt, ut
nec res videre optimas, nec agere pos-
simus. *5. de finib.*

* Qui metuit illud, quod vitari non
potest, is vivere animo quieto nullo
modo potest. *2. Tusc.*

Quarum rerum praesentia sumus in
aegritudine, easdem impendentes &
venientes timemus. *3. Tusc.*

* Fallax est hominum spes, & fra-
gilis fortuna. *3. de Orat.*

* Multum prodest ea, quae me-
tuuntur, contemnere. *ibid.*

Hoc patrium est, potius consuefa-
cere filium, sua sponte recte facere,
quam alieno metu. *Terent. in Adelph.*

* Apud plurimos plus valet malo-
rum timor, quam spes bonorum.
Quintill. lib. 3.

Qui

* Qui ratione traduci ad meliora
non possunt, solo metu continentur.
lib. 22.

CAP. XXXI.

De Opinione, Errore & Suspi- cione.

De claris viris suspicionibus non
debet judicari. *Cornel. Nep. in Paulan.*

Causas suspicionum offensionumq;
tum evitare, tum elevare, tum ferre
sapientis est. *Cic. de Amicit.*

Multi cum perspicuis dubia de-
beant illustrare, dubiis perspicua co-
nantur tollere. *4. lib. de fin.*

Simul atq; in lucem editi sumus, in
omni continuo pravitate, & in summa
opinionum perversitate versamur, ut
penè cum lacte nutricis errorem vi-
deamur suxisse. *3. Tusc.*

Quod quisq; sentit, illud defendit,
4. Tusc.

Rerum naturam, quam errorem
nostrum damnare malumus. *5. Tusc.*

D 5

Opi-

Opinio dupliciter scilicet homines;
cum res res aliusmodi est ac putatur,
aut non is eventus est, quem arbitrati
sunt. *Cic. lib. 2. de invent.*

Plurimi quæ ad honestatem sunt na-
ti, pravis opinionibus corrumpuntur.
in Partis. Orat.

Plerisque accidit, ut damnent, quæ
non intelligunt. *Quintil. lib. 10.*

CAP. XXXII.

De Divitiis, Paupertate, Avari- tia & Parsimonia.

Pauperes non intuentur æquo ani-
mo fortunam opulentorum. *Corn. Nep.*
in Chabr.

* Pecuniæ cupiditas est fugienda:
est enim angusti & parvi animi, amare
divitias. *Cic. 1. Offic.*

* Mores corrumpuntur & deprava-
vantur admiratione divitiarum. *2. Off.*

Res familiaris quæri debet ijs re-
bus, a quibus abest turpitudine, Conser-
vari autem & augeri diligentia & par-
simonia. *ibid.*

Mul-

Multi divitias despiciunt, quos
parvo contentos tenuis victus cultus-
que delectat. *de Amicit.*

* Magna vestigat est parsimo-
nia. *in Pers.*

* Contentum esse suis rebus maxi-
mæ sunt certissimæq; divitiæ. *ibid.*

Avaritiam qui tollere velit, illi ma-
tere jus est tollenda luxuria. *2. de Orat.*

* Pecuniam in loco negligere, ma-
ximum interdum est lucrum. *Terent. in
Adelph.*

Commune omnium est vitium,
quod in senectâ nimium ad rem atten-
ti sumus. *ibid.*

Idque comparatum est, ut ij qui
minus habent, semper aliquid addant
divitiis. *in Phoen.*

* Paupertas plerisq; onus videtur
miserum ac grave. *ibid.*

* Sæpe aliquid propter invidiam
adimitur diviti, & propter misericor-
diam adgitur. *ibid.*

Divitiæ & potentia certissimum
faciunt morum experimentum; aut
enim

enim meliores propter hæc aut peiores sumus. *Quintil. lib. 3.*

Facultates patrimonij nostri aliis præparamus, aliis relinquimus. *lib. 6.*

CAP. XXXIII.

De Amore proximi & Misericordia.

Multæ res sunt, in quibus de suis commodis viri boni multa detrahunt, detrahique patiuntur, ut is, alii potius, quam ipsi fruantur. *Cic. de Amicis.*

Fructus ingenii & virtutis tum maxime capitur, cum in proximum quemque confertur. *ibid.*

Ubi invenias, qui honorem amici anteponat suo? *ibid.*

Nulla est melior in hominum genere natura, quam eorum, qui se natos ad homines juvandos, tutandos & conservandos arbitrantur. 1. *Tusc.*

Misericordia est ægritudo ex alterius rebus adversis. 3. *Tusc.*

CAP.

CAP. XXXIV.
De Honestate, Turpitudine & Decoro.

In colendo officio sita est vitæ honestas omnis, & in negligendo turpitud. *Cicer. 1. Offic.*

Qui summum bonum commodis suis metitur, non honestate; neq; amicitiâ colore potest, neq; justitiam, neq; liberalitatem, *ibid.*

Nihil hominem oportet aut admirari aut optare, aut expetere; nisi quod honestum decorumq; sit. *1. offic.*

Nihil est aliud benè & beate vivere, nisi honestè & rectè vivere *in Parad.*

Honestum est, quod detracta omni utilitate, sine ullis præmiis fructibusq; per se ipsum jure potest laudari. *2. de finib.*

Nemo est tam agrestis, quem non, si minùs ipsa honestas, contumeliata tamen & dedecus magnopere moveat. *in Partit. Orat.*

* Honestas tam est experenda, quàm vitanda turpia. *ibid;*

* Nihil

* Nihil debet placere, quod non deest. *Quintil. lib. 1.*

Providentia dedit hoc munus hominibus, ut honesta magis juvarent. *ib.*

Multi, quæ turpia esse dubitare non possunt, utilitatis specie ducti probant. *lib.*

Honesta honestis svadere facillimum est. *ibid.*

In eodem pectore nullum est honestorum turpiumq; consortium, & cogitare optima simul & deterrima, non magis est unius animi, quam ejusdem hominis, bonum esse ac malum. *lib. 12.*

* Sine honesti justiq; disciplina nemo vir bonus esse potest. *ibid.*

* Brevis est institutio viæ honestæ, si credamus. *ibid.*

CAP. XXXV.

De Aegritudine, Dolore, Molestia, Miseria, Fletu & Consolatione.

* Laborum consuetudo perperam
nem

nem dolorum efficit faciliorem. *Cicero*
2. *Tusc.*

* Consuetudo non contemnenda
est ferendi doloris magistra. *ibid.*

Omnia humana homini semper sunt
meditata: multum enim potest pro-
visio animi, & præparatio ad minu-
endum dolorem. 3. *Tusc.*

Nihil est, quod tam clodet ægritu-
dinem, quam perpetua in omni vita
cogitatio, nihil esse, quod accidere
non possit. *ibid.*

Tarda quidem est ægritudinis me-
dicina, sed tamen magna, quam affert
longinqvitas & dies. *ibid.*

Ætas honestè acta tantam affert
consolationem, ut eos, qui ita vixe-
rint, aut non attingat ægritudo, aut
perleviter pungat animi dolor. *ibid.*

* Multum valet ad ponendum do-
lorem, cum est intellectum, nihil pro-
fici. *ibid.*

Summa est stultitia confici mæro-
re, cum intelligas, nihil posse profici.
ibid.

In

In ægrotitudine lenienda, quam quisq; curationem recipere possit, videndum est. *ibid.*

Non contemnenda sunt ad tolerandum dolorem remedia, firmitas animi, turpitudinis verecundia, exercitatio & consuetudo patienti. *s. Tusc.*

Dies adimit hominibus ægritudinem. *Terent. in Adelpb.*

Nemo nisi sua culpa diu dolet. *Quintil. lib. 6.*

* Nihil est tam miserabile, quàm ex beato miser. *Cicer. in Partit. Orat.*

Hæc sunt officia consolantium, tollere ægritudinem funditus, aut sedare, aut detrahere quam plurimum, aut non pati manare longiùs. *s. Tusc.*

* Citò arescit lachryma, præsertim in alienis malis. *in Partit. Orat.*

* Aliena nemo diu plorat. *Quintil. lib. 6.*

Facile inarescunt lachrymæ, & dolore tandem mitigat tempus. *ibid.*

CAP.

CAP. XXXVI.

De Bonis & Malis.

* In omni arte vel quavis scientia optimum quidq; rarissimum est. *Cic. 2. de finib.*

De bonis & malis nemo potest verè judicare, nisi omni ratione cognita naturæ & vitæ. *3. de fin.*

Qui ea, quæ bona sunt, mala putat, & bona contrà, quæ mala; & quæ appetenda, fugit, & quæ fugienda appetit; revera sibi est inimicus. *5. de fin.*

Pleriq; cum in mala scientes ruunt, tamen se optimè sibi consulere arbitrantur. *Infens*

Malis resistendum est, ne magno cum detrimento bonorum, & communi omnium perniciæ plurimum possint. *l. 1. de fin.*

* Nemo est tam malus, ut videri talis velit. *Quintil. lib. 3.*

Simul objecta species ejuspiam est, quod bonum videatur, ad id adipiscendum impellit ipsa natura. *4. Tusc.*

E

Na-

Naturâ omnes eâ, quæ bona videntur, sequuntur, fugiuntq; contraria. *ibid.*

CAP. XXXVII.

De Culpa, Delictis, Peccatis,
Emendatione, Objurgatione
& Admonitionibus.

* In aliis magis cernimus, quam in nobis ipsis, si quid delinquitur. *Cicero 1. Offic.*

Nulla est excusatio peccati, si amici causa peccaveris. *de Amicit.*

Proprium est stultitiæ, aliorum vitia cernere, oblivisci suorum. *Tusc.*

Facillimè corriguntur in discendo, quorum vitia imitantur emendandi causa Magistri. *1. Offic.*

* Quæ in pravum induruerunt, franguntur citius, quam corriguntur. *Quinctil. lib. 1.*

* Quæ sunt emendanda, dissimulare non debemus. *lib. 2.*

* Monitio acerbitate, & objurgatio contumelia carere debet. *Cicero de Amicit.*

Qvi

Qui moventur; eam molestiam,
quam debent capere, non capiunt: eam
capiunt, quæ debent carere, peccasse
in se, non anguntur: objurgari mo-
stè ferunt: Contrà autem oportebat
sibi dolere, objurgatione gaudere,
ibid.

Et si quidem plerique irascuntur admo-
nitioni, & taciti repugnant; non tamen
eo minus vitia sunt coarguenda.
vinet. lib. 6.

* Aliena vitia quisque reprehendi
avult, quam sua. *ibid.*

Culpam deprehensam pertinaciter
seri, altera est culpa. *lib. 6.*

CAP. XXXVIII.

De Fortuna & Felicitate, Rebus
prosperis & adversis.

* Mortales inconsideratiores sunt
in secunda, quam in adversa fortuna.
Nep. in Conone.

* Difficilius est secundam fortunam
patienter ferre, quam adversam. *in
moli.*

* Unicuiq; mores sui fingunt fortunam. *in Attica.*

Non solum ipsa fortuna cæca est; sed eos etiam plerumq; efficit cæcos, quos complexa est. *Cicer. de Amicit.*

* Insipiente fortunato nihil est intolerabilius. *ibid.*

* Qui antea commodis fuerunt moribus, prosperis rebus immutantur. *ibid.*

Inferiores dolore non debent, se à suis amicis aut fortuna aut dignitate superari. *ibid.*

Cujus spes omnis & cogitatio pendet ex fortuna, huic nihil potest esse certi, nihilq; quod exploratum habeat, permanfurum sibi, ne unum quidem diem. *in Paradoxo.*

In eo statu esse debemus, quem neq; fortunæ temeritas, neq; inimicorum labefactare possit injuria. *ibid.*

* Adversa quasi perpetua oblivione obruere decet, & secunda jucundè meminisse. *lib. 1. de finib.*

Perniciosa est inscitia, nescire quem admo-

modum rebus secundis uti conveni-
3. *Tusc.*

Adversa omnia illis sunt acerba, à
vibus non fuerunt cogitata. *ibid.*

Qui multa sunt perpassi, faciliùs fe-
unt, quicquid accidit, seq; contra for-
unam obduruisse arbitrantur. *ibid.*

* Adversa venientia metu, & prae-
sentia mœrore augemus.

* Nemo potest aut corporis firmi-
tate, aut fortunæ stabilitate confidere.

4. *Tusc.*

* Magna laus est, adversos casus sa-
pienter tulisse. *Cic. 2. de Orat.*

* Facilius est contemnere fortunam
adversam, quàm perferre. *Quinctil.*
lib. 6.

Omnes quibus res sunt minus se-
cundæ, magis sunt nescio quomodo
suspiciosi, magis accipiunt omnia ad
contumeliam: propter suam impo-
tentiam se semper credunt negligi.
Terent. Adelph.

E 3.

CAP.

CAP. XXXIX.

De Bello, Pace, Prælio & Præda.

* Nihil in bello oportet contemni
Cornel. Nep. in Thrasyl.

* In prælio fortuna sæpè plus valet,
quàm Ducis prudentia. *ibid.*

* Bella gerenda sunt eam ob causam,
ut sine injuria in pace vivatur. *Cicero
1. Offic.*

Paci quæ nihil habitura infidiarum,
semper est consulendum. *ibid.*

* Bellum ita suscipi debet, ut nihil
aliud nisi pax quærat. *ibid.*

* Natura non patitur, ut aliorum
spolijs nostras facultates & opes augeamus. *3. Offic.*

Sæpius arma sumuntur, quibus illi
ipsi, qui didicerunt ijs uti gloriôsè,
quemadmodum salutariter utantur non
reperiunt. *Cic. in Bruto.*

CAP. XL.

De Consilio.

* Virorum benè svadentium auctoritas plurimum valere debet. *Cic. de Am.*

* Fa-

* Facile omnes, cum valemus, recta consilia ægrotis damus. *Terent. Andr.*

* Valet in consilijs auctoritas plurimum. *Quintil. l. 3.*

* Nihil facile persuadetur invitiss. *lib. 4.*

Nihil est in omni vita prius consilio, frustra q; sine eo traduntur cæteræ artes. *lib. 6.*

CAP. XLI.

De vulgi aliorumq; opinione & iudicio.

Qui ex errore imperitæ multitudinis pendet, hic in magnis viris non est habendus. *Cic. 1. Offic.*

Negligere quid de se quisq; sentiat, non solum arrogantis est, sed etiam dissoluti. *ibid.*

* Multitudinis arbitrio sæpè res maximæ aguntur. *de Amicit.*

* Testimonium multitudinis non est admodum grave. *2. de finib.*

Maximus Magister est populus, atq; omnis undiq; ad vita consentiens

multitudo; ejus judicium si magnificiamus, planè inficimur opinionum pravitate: 3. *Tuse.*

* Unde tantum boni, ut pluribus, quæ recta sunt, placeant? *Quinctil. lib. 1.*

CAP. XLII.

De Fundamentis, Initiis & Perfectione rerum.

* Nihil est simul inventum & perfectum. *Cicer. in Bruto.*

* In præstantibus rebus magna sunt ea, quæ sunt optimis proxima. *in Orat.*

Multa nobis gravia sunt, dum incipiamus, dumq; ignoremus: facilia, autem ubi cognoverimus. *Terent. in Adelpb.*

* Operum fastigia spectantur, latent fundamenta. *Quinct. lib. 1.*

* Ad nullius rei summam nisi precedentibus initiis perveniri potest. *ibid.*

* Minora si negligas, majoribus non est locus. *ibid.*

Quamlibet multa egerimus, quodam tamen modo recentes sumus ad id quod incipimus. *ibid.*

Ad

Ad summa perveniri non potest, nisi ex principiis. *lib. 10.*

Nihil est difficilius, quàm reperire, quod sit omni ex parte in suo genere perfectum. *Cic. de Amicit.*

CAP. XLIII.

De Victu & Cultu corporis.

Victus cultusq; corporis ad valetudinem referantur, & ad vires, non ad voluptatem. *Cic. 1. Offic.*

* Sicut in plerisq; rebus, ita etiam in vestitu mediocritas est optima. *ibid.*

* Tantum cibi & potionis adhibendum, ut reficiantur vires, non opprimantur. *de Senect.*

* Nihil turpius est, quàm sapientis vitam ex insipientium sermone pendere. *2. de finib.*

CAP. XLIV,

De Utilitate & Commodis.

Avari homines omnia ad utilitatem referunt, & callidè excogitant, quod modo occultè sine teste, sine ullo consilio fallant. *Cic. 2. de finib.*

E s

Si

Si omnia ad utilitatem sunt referenda, vir bonus non potest reperiri. *ibid.*

Non est bona spes, neque magna indoles in adolescentibus, quos suis commodis tantum inservituros, & quicquid ipsis expediat, facturos arbitramur. *ibid.*

* Communem utilitatem nostrae anteponere debemus. 3. *de fin.*

Alienum est à justitia, ad quam nati sumus, detrahere aliquid de aliquo, quod sibi assumat. *ibid.*

Vincit utilitas plerumque, cum subest ille timor, ea neglecta dignitatem non posse retineri. 2. *de Orat.*

* Omnes sibi melius esse malunt, quam alteri. *Terent. Andr.*

* Multis hominibus tanta vecordia est innata, ut ex in commodis alterius sua comparent commoda. *ibid.*

* Ex quo multa fuerint commoda, ejus incommodum æquum est ferre. *In Hac.*

CAP.

CAP. XLV.

De Periculo, Damno, Incommodis & Pernicie.

Summa imprudentia est, si quis dubia spe impulsus, certum in periculum se committat. *Cic. lib. 1. de Invent.*

Nulla tam detestabilis pestis est, quæ non homini ab homine nascatur. *2. Offic.*

Natura constitutum est, ut non liceret sui commodi causa nocere alteri. *3. Offic.*

Qui legi divinæ parere velit, nunquam committet, ut alienum appetat, & id quod alteri detraxerit, sibi assumat. *ibid.*

Detrahere alteri sui commodi causa, magis est contranaturam, quam mors & dolor. *ibid.*

Suum cuique incommodum ferendum est potius, quam de alterius commodis detrahendum. *ibid.*

* Viris bonis nihil potest malum videri, quod naturæ affert necessitas. *de Senect.*

Omne

Omne animal alienatur ab interitu,
ijsq; rebus, quæ interitum videantur
afferre. 3. *de fin.*

Præmeditatio futurorum malorum
lenit eorum adventum. 3. *Tusc.*

Tolerabilius feret incommodum,
qui cognoverit, necesse esse, homini
tale quid accidere. *ibid.*

Ea lege sumus nati; ut nemo in per-
petuum esse possit expers mali. *ibid.*

* A malis natura declinamus. 4.
Tusc.

Pericula & damna peregre rediens
semper cogitet, aut filij peccatum, aut
uxoris mortem, aut morbum filia:
Communica esse hæc, fieri posse: ut ne
quid animo sit novum. *Terent. in
Phorm.*

* Ab ijs, quæ lædunt, ad ea quæ
profunt, refugimus. *Quinct. lib. 4.*

* Nocere facile est, prodesse diffi-
cile. *lib. 10.*

* Innoaens dicitur, non qui leviter
nocet, sed qui nihil nocet. 4. *Tusc.*

CAP.

CAP. XLVI.

**Te Tranquillitate, Constantia,
Inconstantia seu Mutabilitate
& Incertitudine.**

* Hominum mores sæpè mutantur.

Cic. de Amicis.

* Præteritum tempus nunquam re-
vertitur, nec quid sequatur, scire po-
test. *de Senect.*

Nemini exploratum esse potest, quo-
modo sese habiturum sit corpus, ne ad
vesperam quidem. *2. de fin.*

* Tranquillitas est placida & quie-
ta constantia. *4. Tusc.*

Ut maris tranquillitas intelligitur,
nulla ne minima quidem aura fluctus
commovente: Sic animi quietus &
placatus status cernitur, cum pertur-
batio nulla est, qua moveri queat,
5. Tusc.

* Omnium rerum est vicissitudo.
Terent. Eunuch.

* Omnibus nobis ut res sese dant;
ita magni atq; humiles sumus. *in Hec.*

* Bo-

* Bona facile mutantur in pejora;
vitia autem ratò vertuntur in bonum.
Quintil. lib. 1.

CAP. XLVII.

De Memoria & Recordatione.

* Memoria est, per quam animus
repetit illa, quæ fuerunt, *Cicer. lib. 2. de
Invent.*

* Præteritorum recordatio est acer-
ba, & acerbior expectatio futurorum.
Cic. in Bruto.

* Natura tenacissimi sumus eorum,
quæ rudibus annis percepimus. *Quintil.
lib. 1.*

* Magis pertinaciter hærent, quæ
deteriora sunt. *ibid.*

Ingenij signum in parvis præcipu-
um memoria est: cujus duplex virtus;
facile percipere, & fideliter retinere.
ibid.

CAP. XLVIII.

De Imitatione & Exemplo.

Magnoperè in audiendo legendoq;
movemur, cum piè, cum amicè, cum
magne

magno aliquid animo factum cognoscimus. *Cic. 3. de fin.*

Tantum quisq; laudat, quantum se posse sperat imitari. *Cic. in Orat.*

Periculum ex alijs facere debemus, nobis quod ex usu sit. *Terent. Heaut.*

In vitas omnium, tanquam in speculum, inspicere debemus; atq; nobis exemplum sumere ex alijs. *in Adelp.*

Non dabit mihi spem bonæ indolis, qui hoc imitandi studio patit ut rideatur. *Quintil. lib. 1.*

* Frequens imitatio, transit in mores. *ibid.*

* Libenter imitamur illos, quibus favemus. *lib. 2.*

Similes nobis videmur magnis viris, si vitia eorum potius imitemur, quam virtutes. *ibid.*

Quod quis imitaturus est, intelligere debet, & scire, quare sit bonum. *l. 12.*

CAP. XLIX.

De Voluptate.

Nulla capitalior pestis homini à natu-

natura data est, quàm voluptas corporis. *Cic. de Senect.*

Nullum est scelus, & malum facinus, ad quod suscipiendum libido voluptatis non impellat. *ibid.*

Nihil est tam detestabile, quàm voluptas; cum enim major est atq; longinquior, omne animi lumen exstingvit. *ibid.*

Nemo ipsam voluptatem, quia voluptas sit, aspernatur, aut fugit; sed quia consequuntur magni dolores eos, qui ratione voluptatem sequi nesciunt. *Cic. 1. de fin.*

Accusandi sunt, qui blanditiis presentium voluptatum corrupti, & cupiditate occæcati non provident, quos dolores & quas molestias accepturi sint. *ibid.*

Quibusdam temporibus evenit, ut & voluptates repudiandæ sint, & molestiæ non recusandæ. *ibid.*

* Ad honestatem omnia referre decet, non ad voluptatem. *lib 3. de finib.*

Vo.

Voluptate dominante, maximas virtutes omnes jacere necesse est. *ibid.*

* Præteritæ voluptates mala præsentia sedare non possunt. *s. Tusc.*

* Voluptas maximè inimica est virtuti. *Cicer. in Partit. Orat.*

CAP. L.

De Rerum eventu.

* Omnia repentina videntur graviora. *Cic. lib. 3. Tusc.*

* Ita facere decet, nihil admirari cum acciderit: nihil arbitrari non posse evenire, antequam evenierit. *ibid.*

Nihil ita expectare debemus, quasi certò futurum; nihil cum acciderit, ita admirari, ut inopinatum ac novum accidisse videatur. *lib. 5. Tusc.*

* Sæpè fortè eveniunt, quæ non audeas optare. *Terent. in Phorm.*

CAP. LI.

Laus & Vituperium.

Reperiuntur nonnulli, qui nihil laudant, nisi quod se imitari posse confidunt. *Cic. lib. 2. Tusc.*

R

In

In laudando & vituperando videre oportet non tam quæ quis in corpore aut in extrarijs rebus habeat, sed quo pacto illis utatur. *lib. 2. de inventis*

* Aliis prodest objurgata, desidia, alijs laudata in dustria. *Quintil. lib. 1.*

CAP. LII.

De Ratione.

Homines etsi multis alijs, tamen hoc uno à bestiis plurimum differunt, quod rationem habeant. *Cic. l. 2. de fin.*

Parvulos rationis igniculos celeriter malis moribus, opinionibusq; depravatis sic restringimus, ut nusquam naturæ lumen appareat. *lib. 3. Tusc.*

Ratio benè adhibita cernit, quid optimum sit: neglecta, multis implicatur erroribus. *lib. 4. Tusc.*

CAP. LIII.

De Cupiditatibus & Desideriis.

Quæ cupiditates à natura proficiuntur, facile explentur, sine ulla injuria. *Cic lib. 1. de finib.*

Cupi-

Cupiditates sunt infatiabiles, quæ non modò singulos homines, sed universas familias evertunt. *ibid.*

Qui futura cupide expectant, conficiuntur angore & metu: maximæq; cruciantur, cum serò sentiunt frustra, se aut pecuniæ studuisse aut imperijs, aut opibus, aut gloriæ. *ibid.*

Vir bonus non pendet ex futuris: sed expectat illa, præsentibus sapienter fruitur, & à vitijs abest plurimum. *ibid.*

Ita vivendum est, ut coerceamus cupiditates, nostra tueamur, ab alienis mentes, oculos, manns abstinemus. *Cic. lib. 1. de Orator.*

CAP. LIV.

De Artibus.

Quam quisq; noverit artem, in hac se exerceat. *Cic. lib. 1. Tuscul.*

* Quæ à natura initia ducunt, illa ars perficit. *Quinct. lib. 2.*

Nemini est turpe in arte magna & gloriosa alios docere id, quod ipsi fuerit honestissimum discere. *Cic. in Orat.*

CAP. LV.

De Adulatione.

* Nulla in amicitiiis pestis ex major,
quàm adulatio. *Cic de Amicis.*

Multi vanam assentatorum orationem testimonium esse laudum suarum putant. *ibid.*

Assentatio semper auget id quod magnum esse vult is, ad cuius voluntatem dicitur. *ibid.*



INDEX TITULORUM.

Numerus Capita indicat.

A ctiones	homi-	Concordia	17
num	11	Conscientia	29
Admonitiones	37	Consensus	17
Adolescentia	5	Consilium	40
Adulatio	55	Consolatio	37
Ægritudo	35	Constantia	46
Æquitas	22	Consuetudo	12
Ambitio	13	Conversatio	15
Amicitia	15	Corporis Bona	6
Amor	16	Corpus	3
Amor proximi	33	Culpa	37
Animus	3	Cultis corporis	43
Artes	54	Cupiditas	53
Avaritia	32	D amnum	49
B ellum	39	Decorum	34
Beneficentia	18	Delictum	37
Benevolentia	16	Desiderium	53
Bona	36	Deus	1
Bona corporis & for-		Difficultas	14
tuna	6	Diligentia	10
C ognitio sui	29	Disciplina	9
Commodum	44	Discordia	17
Conatus	14	Dissensus	17

F 5

Divr

INDEX TITULORUM.

Divitiæ	32	I	Gnavia	10
Doctrina	9	I	Imitatio	48
Dolor	35	I	Imperium	2
E ducatio	8	I	Improbilas	21
Emendatio	37	I	Imprudentia	23
Error	31	I	Impunitas	19
Eruditi. Eruditio	24	I	Incertitudo	46
Eventus rerum va- rius	50	I	Incommoda	44
Exemplum	48	I	Inconstantia	46
Exercitatio	10	I	Indulgentia	19
F acilitas	14	I	Ingenium	10
Falsitas	26	I	Inimicitia	16
Fama	13	I	Iniquitas	22
Familiaritas	15	I	Initium	42
Felicitas	39	I	Injuria. Injustitia	22
Fides	26	I	Inscitia	23
Fiducia	30	I	Intemperantia	28
Fletus	35	I	Invidia	16
Fortunæ bona	6	I	Judicia vulgi & alio- rum	41
Fortuna prospera & adversa	7	I	Justitia	22
Fundamentum	41	I	Juventus	5
G loria	13	L	Aus	51
Gratitudo	17	L	Lex	2
H onestas	34	L	Liberalitas	18
Humanitas	38	L	Liberi	8
		L	Licentia	19

Magi-

INDEX TITULORUM.

M agistratus	2	Percontatio	26
Majores	8	Perfectio	42
Mala	36	Periculum	45
Memoria	47	Pernicies	45
Mendacium	26	Præcepta	7
Metus	30	Præceptores	9
Miseria	35	Præda	39
Misericordia	33	Prælium	39
Modestia	28	Probitas	21
Molestia	39	Promissa	26
Morbus	4	Providentia Dei	1
Mores	12	Prudentia	23
Mors	20	R atio	52
Mutabilitas	46	Recordatio	47
O bjurgatio	37	Regnum	2
Odium	16	S apientia	23
Officium	11	Schola	9
Opinio	31	Scientia	23
Opinio vulgi	41	Senectus	5
Oratio	25	Sententiæ sapientum	7
Orium	10	Sermo	25
P arentes	8	Simulatio	26
Parfimouia	32	Studium	10
Patientia	27	Superstitio	30
Patria	8	Suspicio	31
Paupertas	32	T aciturnitas	26
Pax	39	Temeritas	30
Peccatum	37	Temperantia	28

Tol-

INDEX TITULORUM.

Tolerantia	27	Virtus	21
Tranquillitas	46	Vita	20
Turpitude	34	Vitium	21
Tyrannis	2	Vituperium	51
V enia	19	Voluptas	49
Veritas	26	Utilitas	44
Victus & cultus corporis.	43	Vulgi opinio & iudicium	48

FINIS.



